

DEWAN RA'AYAT YANG PERTAMA
PERSEKUTUAN TANAH MELAYU

PENGGAJAL YANG KEDUA
KERTAS PEMBERITAHU
HARI SABTU, 23 HARIBULAN APRIL, 1960

PERTANYAAN² BAGI JAWAB MULUT

***1. Enche' Othman bin Abdullah (Tanah Merah):** Minta kepada Menteri Kenderaan menerangkan:

- (a) ada-kah Kerajaan sedar bahawa jambatan Kereta Api di-Kosial yang panjang itu menyusahkan ra'ayat dan kenderaan lalu lintas mulai jam 6.30 petang sampai 6.30 pagi.
- (b) Kalau ada, ada-kah Kerajaan berchadang hendak membukakan-nya sa-lama 24 jam kepada lalu lintas.
- (c) Kalau tidak apa-kah sebab-nya.

***2. Enche' V. David:** Minta kepada Menteri Kenderaan menerangkan berapa-kah bilangan kereta diesel yang telah di-beli oleh Kereta Api Tanah Melayu, dan berapa-kah bilangan pesanan yang telah di-batal dan berapa-kah perbelanjaan yang mesti di-bayar kerana membatalkan pesanan² atas kereta² yang tersebut.

***3. Enche' V. David:** Minta kepada Menteri Kenderaan menerangkan apa-kah kebaikan yang telah di-peroleh atas kunjongan-nya ka-negeri Jepon dan apa-kah kejayaan² kunjongan itu.

***4. Enche' V. David:** Minta kepada Menteri Buroh menerangkan apa-kah langkah² yang telah di-ambil-nya dalam meranchangkan undang² dasar Pesuruhjaya Penyiasatan Pelabohan Pulau Pinang menurut Undang² Majlis Gaji tahun 1947, dan ada-kah ia akan menghishtiharkan sekarang akan nama ahli² Surohanjaya itu.

***5. Enche' Othman bin Abdullah (Tanah Merah):** Minta kepada Menteri Kesihatan dan Kebajikan Masharakat menerangkan ada-kah Kerajaan sedar bahawa mengadakan sa-buah hospital di-Tanah Merah itu mustahak. Kalau ada, bila-kah Kerajaan hendak mendirikan sa-buah hospital di-Jajahan itu. Kalau tidak kenapa.

***6. Enche' S. P. Seenivasagam:** Minta kepada Menteri Pertahanan menerangkan perkara² yang tersebut di-bawah ini dengan merujuk kepada perenggan 133 Penyata Pemereksa Kira² Wang Negara bagi tahun 1958:

- (a) di-mana-kah Tempat Masak Beramai² (Central Kitchen) itu di-dirikan dan siapa-kah yang mendirikan-nya.
- (b) mengapa-kah tender² tidak di-panggil.
- (c) ada-kah Setia-Usaha Perbendaharaan sedar bahawa Tempat Masak Beramai² (Central Kitchen) di-dirikan dengan tidak mendapat persetujuan-nya terlebih dahulu ia-itu tender² tidak di-kehendaki di-panggil, sakira-nya ia tidak sedar. apa-kah langkah² yang telah di-ambil ka-atas mereka yang chuai untuk memberitahu akan hal ini kepada Setia-Usaha itu.

PERTANYAAN² BUKAN BAGI JAWAB MULUT

1. **Enche' V. David:** Minta kepada Menteri Kesihatan dan Kebajikan Masharakat menerangkan apa-kah sebab satu tindakan pun tidak di-ambil untuk memindahkan orang² papa itu ka-rumah baharu. Sa-tengah² daripada mereka itu beranak pinak dan membanjiri kaki² lima dan di-jalan² kechil di-Ibu Kota.

2. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah banyak biasiswa post graduate dalam jurusan perubatan yang telah di-beri sejak Kemerdekaan, berapa-kah ramainya daripada mereka yang menerima biasiswa itu daripada Warga Negara Persekutuan Tanah Melayu dan berapa pula daripada mereka yang bukan Warga Negara Tanah Melayu dan berapa-kah bilangan-nya daripada pegawai dagang British.

3. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah jumlah perbelanjaan membaiki Rumah Sakit Besar, Kuala Lumpur, dan berapa-kah jumlah perbelanjaan membaiki semua rumah² sakit di-seluruh Persekutuan dan berapa-kah pula perbelanjaan ha-nya untuk menyapu chat sahaja.

4. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah banyak-nya kuasa sejok (air conditioners) yang telah di-beri kepada pegawai² Pejabat Perubatan dan berapa-kah jumlah perbelanjaan untuk memasokkan kuasa sejok (air conditioners) itu ka-rumah pegawai² Perubatan Kanan.

5. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah bilangan Klinik Kesihatan Luar Bandar dan Klinik Gigi Luar Bandar yang telah di-buka sejak Kemerdekaan Persekutuan Tanah Melayu.

6. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah jumlah wang yang di-peroleh oleh Specialist Perubatan Kerajaan sa-bagai bayaran specialist-nya dalam tahun 1959. Ada-kah Specialist² itu berhak menuntut apa² bayaran mengikut kehendak-nya.

7. **Enche' V. David:** Minta kepada Menteri Kesihatan dan Kebajikan Masharakat menerangkan berapa-kah gaji permulaan bagi sa-saorang specialist Anak Tanah Melayu dan gaji permulaan bagi sa-saorang specialist Pegawai Dagang. Berapa peratus daripada bayaran specialist itu di-beri kepada Specialist² itu sendiri dan ada-kah mereka menggunakan ubat Kerajaan dan perkakas Kerajaan semasa menjalankan rawatan pakar-nya.

8. **Enche' V. David:** Minta kepada Menteri Kesihatan dan Kebajikan Masharakat menerangkan :

(a) ada-kah ia sedar ia-itu semasa sa-orang perempuan bernama Mrs. Parameswary isteri kapada Sivasambo di-bawa ka-dalam Ward 22 dalam Rumah Sakit Besar, Kuala Lumpur pada 24 haribulan January, 1960, pukul 1.00 pagi kerana mengidap penyakit keluar darah daripada rahim-nya, bahawa di-dapati doktor yang kerja pada hari itu tidak ada dalam ward itu untuk merawat-nya.

(b) ada-kah ia sedar bahawa daripada jam 1.00 pagi Staff Nurse ward 22 telah berulang kali talipon kapada doktor itu tetapi doktor itu tidak datang untuk memeriksa orang sakit itu hingga pukul 8.00 pagi.

- (c) ada-kah ia sedar bahawa orang sakit itu akhir-nya meninggal pada pukul 8.50 pagi di-sebabkan doktor itu tidak datang untuk merawat-nya sa-baik² sahaja orang sakit itu di-bawa masuk dan dengan sebab ia tidak datang apa-bila di-panggil masa kechemasan. Apa-kah tindakan yang telah di-ambil oleh Kementerian-nya ka-atas doktor itu yang telah menyebabkan satu kematian dan yang telah lalai di-dalam menyempurnakan kewajipan-nya sabagai sa-orang doktor.